

Galeisiya Lenji Leta Pol Le Rorori Utu iviva

Ralonjwelonjweghathi va i viva moli vara mbe thiye enge Jiu. E ghereiye amba thiye ma Jiu gharighariniyeva lemoyo thi lonjweghathigha Jisas. Jiu ralonjwelonjweghathi vavana va thiñava thiye ma Jiu, ko iyemaenje kaero thi lonjweghathi, iviva wo thi ghambugha Mosese le Mbaro, amba muyai thi tabo Kristiyan moli. Jiu lenji kururu ghambaro regha iyake — ghimoghimoru thi kiteniyathu riwanji mbothiye. Vakathake iyake nono regha na i woranjiya thiye Loi le tututhi gharighariniye. (Righenda 17:10-12) Iya kaiwae Jiu ralonjwelonjweghathi vavana thiña thiye ma Jiu ralonjwelonjweghathi, tembe thi wova kiteniyathu thanavuniye. Ko iyemaenje Pol i botewoyathu renuwanjako iyako. Amalaghiniye va inja mbe lenji lonjweghathi enge vara weya Jisas iya ne kaiwae Loi i wovarumwarumwaruñangi na thi tabo Krisitiyan moli.

Galeisiya iye vanautuma regha Rom ele ghamba mbaro tine. Pol va i variya letake iyake wenjiya ekelesiya e ghembaghemba vavana Galeisiya ele valivanjgako tine. Ma ra ghareghare wagiyawe, ko iyemaenje gharighari lemoyo lenji renuwaña ghembaghembako iyako thiylake: Antiyok, Ikoniym, Listra na Deb. Pol le

vaghiliya iviva moli va i wa e ghembaghembako thiyako, na i woraweya ekelesiya righe wenji (Vakatha 13:14–14:23). Pol le vaghiliya vivako iyako e ghoreiye, ko amba i njogha Antiyok Siriya ele valivanga.

Ghayamoyamo ɳgoreiye Pol vamba ina Antiyok Siriya ele valivanga, kaero i loŋweya utuutu vavana ekelesiya Galeisiya kaiwanji. Va thiŋava gharighari vavana thi vavaghareŋa mbe vavaghare vavana wenji. Ravavaghareko thiyako thiŋava Pol iye ma għaliñae għaraghambi moli ɳgoreiye, iya kaiwae thava thi loŋweya għaliňaeko. Na tembe thiŋava ralonwelonwiegħathi mbe thi ghambugha Moses le Mbaro.

Iya kaiwae Pol i roriya letake iyake na i varumwara renuwaŋako iya ravavaghareko thi vavaghareŋa. Renuwaŋa momouniye vambe i utuŋava iyake: Mbaña Krais i rakayathuinda Nyao Boboma i viva weında na ra vakavakatha thanavu thovuye wenjiya ghandaune.

¹ Ghino Pol, Jisas għaliñae għaraghambi regħa, wo tututhi mavva i mena wenjiya għarighari, na ma lolo regħa i kulawenjgo ya tabo għaliñae għaraghambi. Ko iyemaenje Jisas Krais na Loi Ramanda, iyava i vakatha na i thuweiruva mare e tine, thiye va thi variyenjgo. ² Weinguyanġi la valiħal oñwelonwiegħathi wo yayaku għeke, ya roriya letake iyake na ya variye i għaona e ġħemi, ġħemi ekelesiya wenja inami Galeisiya ele valivangana tine.

³ Wo naŋgo weya Loi Ramanda na ghanda Giya Jisas Krais gharenji wenga, na lenji gharemalili i riyevanjara gharemina. ⁴ Krais mbe ghamberegha vara i vatomweya yawaliye la thari kaiwae na i rakayathuinda e yambaneke thanavuniye raraithari e mbanjake thiyanje tinenji. Va i vakatha ŋgoreiya Loi Ramanda le renuwaŋa. ⁵ Valikaiwae ra wovavwenyevwenye mbanjake wolaghiye ma ele ghambako. Mbwana. Ngoreiye.

*Toto Thovuye mbe reghaenje ma tembe
reghava*

⁶ Krais le mwaewo bwagabwaga e tiñe Loi kaero i kula wenga hu tabo le gharighari. Ko iyemaenje gharenju i yo mbe ŋgoraenje hunjama kaero hu roiteteva, na lemi renuwaŋana ma i ghanjoweva toto thovuye ma reghaova. ⁷ Ma tembe toto thovuye reghava, mbe reghaenje. Ko iyemaenje gharighari vavana thi vakatha nuwami i unouno na thi munjeva thi viva Krais totoniye thovuye na ma reghaova. ⁸ Ko iyemaenje othembe thon̄go ghime regha, o nyao thovuye i mena e buruburu, i vavagharenja toto thovuye mbe regha na ma ŋgoreiya va wo vavagharenja e ghemi, Loi mbala i mukuwo loloko iyako Gehena. ⁹ Utuutuke iyake kaerova wo utuŋa e ghemi, na e mbanjake iyake mbowo ya utuŋava wenga: kaerova hu loŋweya toto thovuye na hu wovatha, iya kaiwae thon̄go lolo regha i utuŋa toto thovuye ma reghava e ghemi, valikaiwae Loi i mukuwo loloko iyako Gehena.

10 Ngoronja! Hu renuwaña ya utu ɳgoreiyako na mbala ya vakatha gharighari thi wovathovuthovuyenjaŋgo? Nandere moli! Mbe nuwaŋguiya enge Loi i wovathovuthovuyenjaŋgo. O ya mando na ya utu valogheloghanja gharighari nuwanji? Nandere moli! Thoŋgo nuwaŋguiya ya utu valogheloga gharighari nuwanji, ko ghino ma Krais le rakakaiwo ɳgoreiye.

Pol i vavaghare Toto Thovuye iye i emunjoru

11 Lo bodaboda, nuwaŋguiya hu ghareghare totoko thovuye va ya vavagharenjako e ghemi ma i mena gharighari e lenji renuwaña tine.
12 Mava ya wo weya lolo regha, na ma lolo regha i vavagharenjego, ko iyemaenje Jisas Krais va i vatomwe e ghino.

13 Kaero hu ghareghareya yawalingu ututuniye, mbanjaniye vamba ya ghambugha Jiu lenji kururu ghakamwathi. Va ya vakatha viri laghiye moli weya Loi le ekelesiya, na ya mando ya munje mbema ya mukuwo vara. **14** Jiu iya thiye lo valitha, ghino ya kivwalangi. Ya ghambu na ya vakatha Jiu lenji kururu thanavuniye, na ya rovurighegħeja vavaghareko iya i mena weŋgiya orumburumbumeko. **15-16** Ko iyemaenje Loi va i tuthiŋgo amba tuyai thi ghambinjgo na ele mwaewo bwagabwaġa i kula e ghino. Amba mbanja va i woraweya le renuwaña na i woraŋgiya nariye e ghino mbala ya vavagharenja Toto Thovuye Jisas kaiwae weŋgiya thiye ma Jiu għarighariniye ɳgoreiye. Mbanja va i vakatha iyake, mava ya wa weya lolo regha

na ve varumwaru nuwañgu. ¹⁷ Mava ya wa Jerusalem na va thuweñgiya thavala kaerova thi tabo ghaliñae gharaghambì amba muyai ghino, iyemaenje ya vamayara ya wakai Areibiya na muyai ya njogha Damasiko.

¹⁸ Theghathagħha umboto e ghoreiye amba ya wa Jerusalem na va thuweña Pita, va yaku weinġu wik umboiwo. ¹⁹ Mava te ya thuweva ghaliñae gharaghambi regħa, mbe Jemes enge, iye Giya ghagħae. ²⁰ Loi i gharegħare budakaiya ya rorinjonake e ghemi i emunjoru, ma ya kwan. ²¹ Iyako e ghoreiye ko amba ya wa Siriya na Silisiya e lenji valiważa. ²² Va e mbañako iyako Krais le ekelesiya Judiya lagħiye koo mawa thi thuwe mun wo yamoyamo. ²³ Va mbema thi lojwe enge utuniñgu, iya iñake, “Loloko iyava i vakavakatha virima weinda, e mbañake iyake kaero i vavagharenja toto emunjoruko iyako, iya ghinda ra lojwiegħathiko, ko iyemaenje va i munjeva i mukuwo iya lojwiegħathiko iyako.” ²⁴ Iya kaiwae va thi taratarawenja Loi ghino kaiwañgu.

2

Randeviva Jerusalem thi wovathovuthovuyenza Pol le vavaghare

¹ Theghathagħha hoyaworo na umbovari e ghoreiye, amba ya njoghava Jerusalem weinġu Banabas. Vambe ya vanġuva Taitus na weime wo wa gheko. ² Va ya wa gheko kaiwae Loi le vatommew e ghino ɳgoreiye. Weimanġiġa ekelesiya għarandeviva, vambe ghime enge wo

mevathavatha, amba ya utuña totoko thovuye iya ya vavagharenjako wengiya thiye ma Jiu gharighariniyeko. Ya vakatha ḥgoreiyako kaiwae va ya renuwaña na thava lo kaiwoko i vivako na mbanjake ya vakavakatha thi tabo bigi bwagabwaga.³ Na ko othembe Tatus, othembe iye Grik na va weingu, ko iyemaenje mavat thi dagewe na i wo kiteniyathu thanavuniye.

⁴ Va wo utuña kiteniyathu thanavuniyeke iyake utuniye kaiwae gharighari vavana va thi ru thuwele e lama wabwike tine na thiñava thiye lama valíralonjweloñweghathi, ko vambema thi kwan enge. Va nuwanjiya thi thuwe ghandarakarakayathuko iya ra vaidiko weya Krais Jisas. Na nuwanjiya thi vançguraweweime Jiu e lenji mbaro tine mbala wo tabo rakakaiwobwaga.⁵ Ko iyemaenje ma wo giya mun lughawoghawo nasiye wengi na wo varaeñna lenji renuwañjako, kaiwae nuwameiya totoko thovuye ghaemunjoru mbe i yaku wenga.

⁶ Randeviva Jerusalem, thiye raña idanji i laghiye, mava thi viva iya totoko ghino ya vavagharenjako. E ghino ma e ghatomethi othembe thiye idanji i laghiye o nandere. Loi e marae gharigharike wolaghiye thi mboromboro.⁷ Ko iyemaenje randevivake thiylake thi thuweya Loi kaerova i wogiya wokaiwo na ya vavagharenja toto thovuye wengiya thiye ma Jiu gharighariniye, tembe ḥgoreiyeva i wogiya weya Pita na i vavagharenja wengiya Jiu.⁸ Loi i giya vurigheghe weya Pita i tabo ghalijae gharaghambi na i kaiwo wengiya Jiu, na iye tembe i giyava vurigheghe e ghino

ya tabo ghaliñae gharaghambi na ya kaiwo wengiya thiye ma Jiu.⁹ Jemes, Pita na Jon thiye e idaidanji na ekelesiya gharandeviva, thi ghareghare wagiyaweya Loi i giya wo bebe ñgoreiyako, e nimanimame weñgu Banabas wo vemwaewo weime weimañgi, na iyake e tine thi vaemunjoruña ghime lenji valirakakaiwo. Iya kaiwae thi wararinjaime wo wa wengiya thiye ma Jiu, na thiye thi wa wengiya Jiu.¹⁰ Va thi nango enge weime na wo renuwanjakikiñgiya mbinyembinyençu ghanjithalavu kaiwae, ko ghino nuwanjuke nuwaiya moliya ya vakatha iyako.

Pol i goviya Pita ghamwae le thari kaiwae

¹¹ Mbaña regha Pita i mena Antiyok na ya goviyaviya ghamwae, kaiwae thanavuko va i vakathako mavá i rumwaru.¹² Amba muyai gharighariko Jemes va i variyengiko thi rakavutha, Pita vambe ve ghaniñga weiyangiya thiye ma Jiu. Ko iyemaenje mbaña thi vutha Antiyok e tine kaero i roitetengiva na ma tembe weiyangiya thi wabwi na regha, kaiwae va i mararuñgi thiye Jiu iya thiñake thavala ma Jiu na kaero thi loñweghathi mbala thi wo kiteniñathu thanavuniye.¹³ Jiu raloñwelonjweghathi inanji Antiyok e tine thi varevare Pita le kwaniko thanavuniye mbala Banabas i tubwe wengi ghanjithanavu kwaniko iyako e tine.

¹⁴ Mbaña ya thuweya lenji vakathako ma ñgoreiya toto thovuye ghaemunjoru, iwaenje ya dage weya Pita taulaghiiko e maranji,

yanja, “Othembe ghen Jiu regha, ghanithanavu ma ɳgoreiya Jiu ghanjithanavu ko iyemaenje ɳgoreiya thiye ma Jiu. Ngoronga enge na u vakatha thiye ma Jiu thi wo Jiu ghanjithanavu?

Vamoru ghakamwathi mbe reghaenje loŋweghathi

¹⁵ “Ghinda va thi ghambiinda Jiu gharighariniye, ma ɳgoraindaŋgiya thiye ma Jiu gharighariniye, thiye ra uno thiye ‘thari gharavakatha.’* ¹⁶ Ko iyemaenje ra ghareghare ma valikaiwae lolo regha i ghambugha mbaro na Loi i wovarumwarumwaruŋa, ko iyemaenje lolo mbe i loŋweghathīgha Jisas Krais iye Loi ne i wovarumwarumwaruŋa. Na ghinda tembe ɳgoreiyeva, ra loŋweghathīgha Krais Jisas, mbala la loŋweghathīko iyako kaiwae Loi i wovarumwarumwaruŋajinda, na ma mbaro ghaghambu kaiwae. Kaiwae ma valikaiwae lolo regha i ghambugha mbaro na iyako e tine i rumwaru Loi e marae. ¹⁷ Kaiwae Loi i wovarumwarumwaruŋajinda kaiwae ra loŋweghathī Krais na ma kaiwae ra ghambugha le mbaro, Jiu vavana lenji rerenuwaŋa ghinda thari gharavakatha kaiwae ma ra ghambugha Mosese le mbaroko wolaghiye. Na ɳgorongako? Ana Krais kaiwae kaero ra tabo gharighari raraithari? Nandere moli! Ma thari ɳgoreiyе, othembe ma ra ghambugha Mosese le Mbaro.

* **2:15** Jiu va thi renuwaŋa thiye ma Jiu gharighariniye ɳgoranjinggiya “thari gharavakatha” kaiwae thi yaku Mosese le mbaro e ghereiyе.

¹⁸ “Ko iyemaenje thongo ya njogha na ya ghambugha Mbaroko iyako, na ya renuwaña ne i wovarumwarumwarunjaŋgo, ya vakatha thari moli iyako, ¹⁹ kaiwae mbaro yakuyakuniye kaero ya kowe. Mbaro va i vakathanjgo na ya mare, na kaiwae mbaro e tine ya mare na mbanjake e yawayawaliŋgu Loi kaiwae. ²⁰ Mbaña thi rokrosa Krais, weingu wo mare na regha. Iya kaiwae yawalike iya inake e ghino mbanjake, Krais yawaliye, ma wombereghake yawaliŋgu ŋgoreiye. Loi Nariye, iye i gharethovuŋgo na bwagabwaga i vatomweya yawaliye kaiwaŋgu, ya vareminje, na e tine e mbanjake iyake ya longalonggawe. ²¹ Loi le mwaewo e ghino ma ya woghaghathī na ŋgoreiya gharerenuwaña ma i laghiye. Thongo ra ghambugha Mosese le Mbaro na e tine Loi i wovarumwarumwarunjaŋainda, ko ana Krais vambema i mare bwagabwaga enge moli?”

3

Ra yakuŋa loŋweghathi

¹ O Galeisiya, unouna ghemi! Thela i yaronja na i viva nuwami na hu vakatha ŋgoreiya le renuwaŋjako? Mbwana kaerova wo utuŋa Krais e ghemi, na iyako ŋgoreiya mbe ghamimberegha vara e maramina hu thuweya thi ŋge Jisas Krais e kros vwatae. ² Nuwanjuiya wo ya vaito bigi regha e ghemi: Va hu reŋa e the kamwathī na hu wo Nyao Boboma i yaku e ghemi? Kaiwae va hu ghambugha Mbaro, o kaiwae va hu loŋweya toto thovuye na kaero hu loŋweghathi?

³ Mbema unouno vara ghemi! Nyao Boboma le vurigheghe e tine hu woraweya yawaliko togha iyako righe, na mendama ngorongava na hu munjeva ne ghamimbereghana e lemi vurigheghe tine hu vakathambela yawaliko togha iyako ghavakatha? ⁴ Toto Thovuye kaiwae kaerova hu ghatanja viriniye. Nuwamiya moli hu vatomwe na i tabona bigi bwagabwaga? Ma ya renuwaña iye bigi bwagabwaga. ⁵ Ngoronga, Loi i giya Nyao Boboma e ghemi righe kaiwae hu ghambugha Mbaro? Nandere! Ngoronga, Loi i vakatha vakatha ghamba rotaele e ghemi righe kaiwae hu ghambugha Mbaro? Nandere! Loi i giya Une Boboma e ghemi na i vakatha vakatha ghamba rotaele lemoyo e ghemi righe kaiwae hu loŋweya Toto Thovuye na hu wovatha weiye lemi loŋweghathi.

Eibraham ghavarumwarumwaru

⁶ Wo hu renuwaña enge Eibraham kaiwae. Buk Boboma inja, “Eibraham va i loŋweghathigha Loi, na le loŋweghathiko kaiwae Loi i wovatha na i wovarumwarumwaruṇa.” ⁷ Iya kaiwae ya dage vurigheghe wenja hu wo gharumwara iyake, thavala thi loŋweghathi, thiye Eibraham orumburumbuye molinji. ⁸ Vamba n̄gaŋgagha Loi kaero i worawe le renuwaña, ne i wovarumwarumwarunjangiya thiye ma Jiu gharighariniye lenji loŋweghathi kaiwae. Iya kaiwae Buk Boboma e tine Toto Thovuye vamba ghamba kaero i worangiya weya Eibraham, inja,

“E ghen ne ya mwaewo wenjiya gharigharike wolaghiye e yambane.”⁹ Ebrahim va i lonwegrathī na Loi i mwaewowe. Na tembe ḥoreiyeva, thavala thi lonwegrathī taulaghiko Loi ne i mwaewo wenji.

¹⁰ Thavala thi vareminje mbaro na thiñava ne thi rumwaru Loi e marae, taulaghiko Loi ne i lithi wenji. Ngoreiye, kaiwae ma valikaiwanda ra ghambugha Mbaroko wolaghiye, na Buk Boboma inja, “Thela thongo ma i ghambugha Mbaro ghabuku le utuutuko wolaghiye mbanake wolaghiye, loloko iyako ne i vaidi ghalithi.”¹¹ Emunjoru, ma valikaiwae lolo regha i ghambugha mbaro na iyako e tine Loi i wovarumwarumwaruña loloko iyako. Ma dage ḥorako kaiwae Buk Boboma inja, “Thela thongo le lonwegrathī kaiwae na Loi i wovarumwarumwaruña, iye e yawaliye memeghabananiye!”¹² Mbaro ghaghambu ma i renja lonwegrathī e ghakamwathi. Thongo lolo regha i yaku Mbaro e tine iye ma i vareminja Loi. Iyemaenje mbene i renuwanjavara budakai Mbaro i worangiya, ḥoreiya Buk Boboma le utuutu, inja, “Gharighariko iya thi ghambuvao mbaroko thiyako, thiye ne e yawayawalinji.”

¹³ Mbaro i woraweya ghandalithi laghiye moli, ko iyemaenje Krais kaerova i wo lithiko iyako. Va i rothiinda i wo lithiko iyako na i worawe ghamberegha e vwatae, ḥoreiya Buk Boboma le worangiya, inja, “Thela thongo hu wovakwata riwae e umbwa, loloko iyako i yaku Loi le lithi

tine na ne i mukuwo.” ¹⁴ Krais va i vakatha iyako na mbala Loi le dagerawe mwaewoko weya Eibraham i wa wengiya thiye ma Jiu gharighariniye. Mwaewoko iyako i mena weya Jisas Krais. Jisas va i mare ghinda kaiwanda na mbala lonwegrath e tine valikaiwanda ra wo Loi Une iyava le dageraweko weinda.

Mbaro na Loi le dagerawe

¹⁵ Lo bodaboda, nuwanjuiya ya wo ghamba thuwathuwa regha gharighari ghinda e ghan-dathanavu. Thongo gharighari theghewo thi vakatha dagerawe regha bigi regha kaiwae, na dageraweko iyako e ghoreiye thi roriya idanjiwe, ne e ghoreiye ma valikaiwae lolo ma reghava i rake dageraweko iyako o ma i woraweva renuwaña regha e vwatae. Iyake i mboromboro weiye Loi le dagerawe. ¹⁶ Ngoreiya Loi va i dagerawe weya Eibraham na rumbuye. Buk Boboma e tine Loi mavä iña, “wengiya orumburumbu”, ghaghareghare lemoyo. Ko iyemaenje va iña ne i giya “weya rumbu,” gharumwaru mbe lolo reghaenje, loloniye Krais. ¹⁷ Lo ututuke gharumwaru ngoreiyake: Loi va i vakatha dagerawe weiye Eibraham na i dagerawe ne i renuwanjakiki. Theghathagha hoseriyevari na ghweto (430) e ghoreiye amba Moses le mbaro i yomara. Iya kaiwae ma valikaiwae Mbaro, va muyai amba i yomara, ne i rakayathu dageraweko iyako. ¹⁸ Thare valikaiwae mbaro ghaghambu kaiwae Loi i giya le mwaewo weinda? Nandere! Ko iyemaenje ne i giya

weinda kaiwae va i dagerawewe weinda. Tembe ɳgoreiyeva Loi i giya le mwaewo bwagabwaga weya Eibraham kaiwae va i dagerawewe ne i vamboromboro.

¹⁹ Ko va budakai kaiwae vara na Loi i giya mbaro? Loi va i giya mbaro weinda kaiwae gharighari vambe thi vakavakathangyi thari. Mbaroko iyako va i tubwembele ghaghada Eibraham rumbuyeko iya Loi va i dagerawekowe, i mena. Mosese va i ndeghathi Loi na gharighari e ghanjilughawoghawo, i vilambo mbaroko weŋgiya nyao thovuthovuye na i giya weŋgiya gharighari. ²⁰ Randendeghathi e ghanjilughawoghawo ma ina gheko regha kaiwae, iye-maeŋge wo i vawararinjangi thenjighewoko. Ko iyemaŋge Loi va i dagerawewe Eibraham na ma lolo regha i ndeghathi e ghanjilughawoghawo. Iya kaiwae Loi le dageraweko weya Eibraham i laghiye kivwala Mbaroko.

²¹ Ko iya ɳgoroŋga? Ana Mbaro i thighiyawana Loi le dagerawewe? Nandere, nandere moli! Kaiwae thongo mbaro regha inawe na i giya lolo yawaliye, mbala ra ghambugha mbaro kaero ra rumwaru Loi e marae. ²² Ko iyake ma ɳgoreiye, kaiwae Buk Boboma kaero i govambwara gharigharike wolaghiye e yambaneke thari kaero i ɳgariŋgi na ma valikaiwanji thi ghambugha mbaroko. Iyake va Loi le renuwaŋa mbala budakaiya va i dagerawewe, iya i ndeghathi lolo regha le loŋweghathi Jisas Krais kaiwae, ne i giya weŋgiyaenje thiya thi loŋweghathi.

²³ Amba tuyai loŋweghathi ghambanja i

mena, ghinda mbaro va i ɳgariında na ɳgora inanda e thiyo tine ghaghad Loi va i govambwara lojweghathì ghakamwathi. ²⁴ Iya kaiwae mbaro va ɳgoreiya għandaranjimbunjimbu, ghaghad Krais għal-ojnejn i yomara na valikaiwae Loi ne i wovarumwarumwarunja īnna kaiwae ra lojwegħathì Krais. ²⁵ Ko iyemaenje mbañake kaiwae lojwegħathì ghakamwathi kaerova i mena, ma ra yaku ranjimbunjimbu e raberabe.

Kaero ra tabo Loi le ɳgamanġama

²⁶⁻²⁷ Weya Krais Jesus taulaghina ghemi Loi le ɳgamanġama lojwegħathì kaiwae. Kaiwae mbaña hu bapitħiso kaero hu tubwe weya Krais, ɳgoreiya kaero hu wo Krais na hu njimbo. Iyake i woraġġiya taulaghina ghemi Loi le ɳgamanġama, kaiwae hu lojwegħathīha Krais Jisas. ²⁸ Weya Krais kaero ma totomethi wengiya Jiu o thiye ma Jiu. Ma totomethi wengiya rakakaiwobwaga o rakarakayathu. Na ma totomethi wengiya ghimogħimoru o wanakau. Kaiwae weya Krais Jisas taulaghina ghemi hu mboromboro. ²⁹ Thoñgo Krais le għarighara ghemi, ko ghemi Eibrahám orumburumbuye. Na budakai iyava Loi i dageraweko weya Eibrahám ghemi ne hu vaidi.

4

¹ Wo ya utu ja ghamba thuwathuwa regħa. Ravwenyevwenye regħa i mare. Amalako nariye regħa, othembe nevole i rombana ramae le bigibigiko, ko mbaña amalaghiniye amba ɳgħama, i tabo amba ɳgoreiya rakakaiwobwaga.

² Kaiwae mbañako thiyako mbe i ghambu vara gharanjimbunjimbu na le bigibigiko gharanjimbunjimbu lenji mbaro ghaghada i vaidiya ghatheghatheghako iya ramae i woraweko.

³ Ghinda ñgoranda iyako. Va ñgoreiya gama-gaima ghinda yambaneke ghanjirerenuwaña thi mbaronjainda na ghinda ghanjirakakaiwobwaga.

⁴ Ko iyemaenje e ghambaña moli tine iya Loi va i tuthiko, amba i variya Nariye i mena. Va wevo i ghambi na i yaku Jiu e lenji Mbaro raberabe.

⁵ Na va i vamodo njoghainda ghinda ra yayaku mbaro e raberabe na valikaiwae Loi i muninda na mbala ra tabo le ñgamañgama moli ghinda.

⁶ Mbala i vaemunjoruña le ñgamañgama ghemi, Loi i variya Nariye Une i mena e gharendake. Uneko iyako i kulakula weya Loi inja, “Bwebwe! Bwebwe!” ⁷ Iya kaiwae, ghemi mbañake ma rakakaiwobwaga, ghemi Loi le ñgamañgama. Na kaiwae ghemi Loi le ñgamañgama, thovuyeko iyava i vivatharaweko le ñgamañgama kaiwanji, ne hu vaidi.

Pol i rerenuwaña Galeisiya kaiwanji

⁸ Me vivako, mbaña mava hu ghareghareya Loi, ghemi va rakakaiwobwaga wengiya loi kwanikwan. ⁹ Ko iyemaenje mbañake kaero hu ghareghareya Loi, o mbala yaña Loi i gharegharenja. Na ñgorongaenge na tembe hu njogha wengiya mbaroko ma e lenji vurighegheko? Ko ana nuwamiya hu tabo na rakakaiwobwaga wengi? ¹⁰ Va ya lojwe mbe hu ghambungi vara mbaña kururu ghanjimbaro, manjala togha ghanjimbaro, thaga ghanjimbaro

na theghathegħha togha għanġimbaro. **11** Ya ghare-laghilagħi kaiwami, ne i waenje lo kaiwoko e ghemi thava i tabo na bigi bwagabwaga.

12 Lo bodaboda, ya nanco vurighiegħe e ghemi na hu rakayathuŋga mbaro e tine ŋgoreiġa va ya vakatha kaiwae va ya tabo rakarakay-athu ŋgoreiġa ghemi mbaro ma i mbaroñja amba muyai hu tabona raloñwelonweġħathi. E mbañako iyako għamithanavu e ghino mava i thari. **13** Kaero hu ghareghare, wo ghambwera kaiwae iyava iviva ya għaona e ghemi na ya vavaghareja toto thovuye e ghemi. **14** Othembe wo ghambwerako va i vakatha vuyowo e ghemi na i mandonja, ma hu yaŋgiwananġo na hu botewoyathuŋgo. Ko iyemaenje hu vanġuvathanġo ŋgoreiġa ghino Loi le nyao thovuye regħa, ŋgoreiġa ghino mbe Krais Jisas ghamberegħha. **15** Va e mbañako iyako hu warari lagħiye kaiwaŋgu, ko iyemaenje e mbañake iyake warariko iyako anġa inae? Ya dage emunjoru, e mbañako iyako lemi wararina le lagħiġi kaiwae valikaiwami hu giya bi-għibike wolagħiye e ghino. **16** Na ŋgorongħa? Ana ghino għamitħiġi kaiwae ya utu ja utu emunjoru e ghemi?

17 Għarighari vavana thi rovurighiegħe na nuwanjiya thi viva nuwami. Ko iyemaenje lenji renuwañako ma e ghathovuye e ghemi. Mbema nuwanjiya enge thi vakathanġa hu meghaghath i weime na hu rovurighiegħe thiye kaiwanji. **18** Ne i thovuye moli thonjo mbañake wolagħiye hu rovurighiegħe ghino kaiwaŋgu. Mbala hu vakavaktha ŋgoreiyako mbaña ra yaku na

regha, na thava hu viyathu mbaña inanju bwagabwaga wenga. ¹⁹ Lo ɳgamanjgama valigharegharenju, ghino tembe ya ghatanja va rī ɳgoreiya ghambī viriniye. Ne ya ghatanja viriko ghaghad hu matuwo weya Krais. ²⁰ Elo renuwanjake nuwanjuiya moli mbanjake ya thuwenja na weinjguyanjya ghemi ra utu na thovuye. Thongo inanju wenga ya ghareghare ne budakai ya dage wenga, kaiwae budakai hu vakavakatha i vakathanjo nuwanju i unouno.

Ghamba thuwathuwa Heiga na Sera

²¹ Thavala ghemi nuwamiya hu yaku Mbaro e raberabe, wo ya vaitonja, thare hu ghareghare mbaro ɳgoronga iŋa? ²² Mbaro e ghabuk tine iŋa Eibraham le ɳgaŋga ghimoghimoru theghewo, regha wevo rakakaiwobwaga Heiga nariye, na theghewoniye wevo rakarakayathu Sera nariye. ²³ Nariye Ishmael va i viri weya wevo rakakaiwobwaga, na le viriko va ɳgoreiya gharighari lenji renuwanja. Ko iyemaenje Aisake va i viri weya wevo rakarakayathu ɳgoreiya Loi le dagerawe.

²⁴ Bigibigike thiylake ɳgoreiyiye goghaimbangi. Wanakauke theunyiwo thiylake thiye ɳgoranjija dagerawe theghewo Loi na gharighari thi dagerawe. Dagerawe regha iya mbaroko Loi va i wogiyako weya Mosese e Ou Sainai, na dageraweko iyako le ɳgamanjgama thavala thi tabo rakakaiwobwaga mbaro e raberabe. Heiga iye ɳgoreiya dagerawe i mena e Ou Sainai. ²⁵ Heiga iye ɳgoreiya Ou Sainai ina Areibiya e tine, na iye ɳgoreiya ghamba thuwathuwa ghembä

Jerusalem e mbañake iyake, iye weiyanjiya gharighari thi tabo rakakaiwobwaga mbaro e raberabe. ²⁶ Ko iyemaenje Sera iye ŋgoreiya dagerawe togha, na tembe ŋgoreiyeva ghamba thuwathuwa Jerusalem e buruburu. Le ŋgamanjama ma rakakaiwobwaga, na iye ghinda ralonjwelonjweghathī tinanda. ²⁷ Aiseya va iña Jerusalem togha le ŋgamanjama lemoyo, ma ŋgoreiya Jerusalem teuye. Va i utu na ŋgoreiyake:

Ghen ŋgorana wevoma iya i kwamama ma mbanja regha i ghambī,
ko iyemaenje ya dage vurigheghe na wo u warari.

Ghen ŋgorana wevoma iya ma mbanja regha ghambīma viriniye i yomarawé,
ko iyemaenje ya dage vurigheghe na u kula na ghaliñae laghiye.

Kaiwae othembe ghen ranuwanuwathari laghiye moli, len ŋgamanjama ne lemoyo moli,
ko iyemaenje wevona iya le ghimoruna mbe i rokighalona vara le ŋganga mane lemoyo.

²⁸ Lo bodaboda, Loi le dagerawe kaiwae Aisake i yomara, na tembe ŋgoreiyeva Loi le dagerawe kaiwae ghemi hu tabo iye le ŋgamanjama.
²⁹ Eibraham nariye iyava i viri ŋgoranda ghinda ra viri, i vakatha viri laghiye weya reghako, iyava i viri Une le vurigheghe e tine. Tembe ŋgoreiyeva mbañake noroke. Thavala thi yaku Mbaro e raberabe thi vakavakatha viri wenja ghemi hu viri Loi ele dagerawe tine.

30 Ko iyemaenje ɳgoroŋga Buk Boboma iŋa? “U variyeyathunŋgiya wevona rakakaiwobwagana na nariyena. Kaiwae wevona rakakaiwobwagana nariye mane i mbana ramae le vwenyevwenyena, mbe wevo rakarakayathu enje nariye ne i mban.”

³¹ Iya kaiwae lo bodaboda, ghinda ma wevo rakakaiwobwaga le ɳgamanŋgama ɳgoreiye, ghinda wevo rakarakayathu le ɳgamanŋgama ghinda.

5

Rakarakayathu weya Krais

¹ Krais kaerova i rakayathuinda mbala ghinda rakarakayathu gharighariniye. Iya kaiwae wo hu ndeghathi vurigheghe na thava tembe bigi regha i vakathanŋga hu tabo na le rakakaiwobwagava.

² Wo hu vandeŋe iyake! Ghino Pol ya dage e ghemi thongo hu njogha Mbaro e thanavuniye na hu wo kiteniyathu thanavuniye, na budakaiya Krais kaerova i vakatha kaiwanda ma e ghathovuyemun e ghemi.

³ Mbowo ya utuŋava mbaŋaiwoniye e ghemi. Thongo hu vatomweŋga na hu wo kiteniyathu thanavuniye, wo hu ghambuva Mbaroko le woraŋgiya wolaghiye. ⁴ Thongo hu ghambuŋha Mbaro na hu munjeva Loi ne i wovarumwarumwaruŋjanga, kaero hu kiteniyathunga weya Krais na hu yaku Loi ele mwaewo bwagabwaga ghereiye. ⁵ Ko iyemaenje

ghime iya wo yakuyaku Loi Une e tine, wo roroghagha weiyé ghareme i matuwo ghaghad Loi i wovarumwarumwarunjaime kaiwae wo loñweghathí Krais.⁶ Kaiwae thongo ra tubwe weya Krais Jisas, othembe ra wo kiteniyyathu thanavuniye o ma ra wo, ma bigi ñgoreiye. Ko iyemaenje bigi laghiye iyake: la loñweghathiko e tine mbala gharighari thi thuwe la gharethovu weya Loi na weya gharighari.

⁷ Lemi rukuna va i thovuye moli. Ko thelaenje i dageteningga na ma hu ghambugha utuko iya emunjoruko? ⁸ Renuwanjana iya hu ghambuna mbanjake ma i mena weya Loi, iye iyava i kulana e hemi. ⁹ Ngoreiya isit seiwo valikaiwae i vakatha pwalawako na i roro laghiye, lolo regha le vavaghare vathari i lawa e hemi na i vakowana lemi wabwina. ¹⁰ Weinju lo ghare-matuwo Loi iye i thalavunga na ma valikaiwae tembe hu ghambuva renuwanja ma reghava. Lolona iya i vakatha numounounona e hemi, othembe thela amalaghiniye, Loi ne i lithiwe.

¹¹ Lo bodaboda, ghino ma ya vavagharenja kiteniyyathu thanavuniye. Thongo ya vavagharenja iyako, buda kaiwae enge na Jiu mbe thi vakavakatha vara vuyowo e ghino? Thongo mbe ya vavaghare vara kiteniyyathu thanavuniye, lo vavaghare Jisas le mare e kros vwatae mbala ma e ghavuyowo Jiu wenji. ¹² Gharigharina iya thi vakatha numounounona e hemi nuwañguiya moli ghanjimberegha thi kiteniyyathungi moli.

Nyao Boboma na riwandake utuninji

¹³ Ghemi, lo bodaboda, Loi kaerova i kula e ghemi na i rakayathunga. Ko iyemaenje thava ghamirakarakayathuko iyako kaiwae na huŋa, “Thongo nuwameiya, valikaiwame enge wo reŋa ŋgora riwameke yawaliye le renuwaŋa.” Thava lemi renuwaŋa ŋgoreiyako, ko mbema weimi enge lemi gharethovu hu vekaiwo wenja. ¹⁴ Mbaroke wolaghiye ghanjirerenuwaŋa ututuke iyake i ŋgaringi na regha, ina, “U gharethovu weya ghanu ŋgoreiya u gharethovu e ghen.” ¹⁵ Ko thongo hu vethighiyawananga na hu vegaithiwenja, hu njimbukikiŋga ne iwaenje hu vemukuwoŋga.

¹⁶ Iya kaiwae ya dage e ghemi ŋgoreiyake: Hu vatomwenja na Nyao Boboma i mbaronja yawalimina, na mbala ma valikaiwami hu goru weya the bigiya raithari riwamina nuwaiya. ¹⁷ Kaiwae the bigiya riwandake nuwaiya, Nyao Boboma ma nuwaiya. Na the bigiya Nyao Boboma nuwaiya, riwandake ma nuwaiya. Nyao Boboma na riwandake yawaliye thi vemomodiŋgi, iya kaiwae budakaiya iya hu munjeko hu vakatha ma hu vakatha. ¹⁸ Ko iyemaenje thongo Nyao Boboma i viva e ghemi, ma valikaiwami hu yaku mbaro e raberabe na i mbaronja yawalimina.

¹⁹ Riwandake yawaliye le vakatha i manjamajala moli: yathima thanavuniye, nenege thanavuniye na monjina thanavuniye raraithari, ²⁰ kururu wenjiya loi kwanikwan na thi wadewade na thi rimbire, rokiwodowodo, wowogaithi, yamwakabu thanavuniye, gagaithi,

votha, vakatha wabwi totomethi,²¹ na maralogheloghe, tagavamare, munumu, warari raithari na vakatha ɳgoranjiyako. Kaerova ya utunja na mbanjake mbowo ya utunjava: thavala thi vakavakatha thanavuŋgiko thiyako, ma thi ru Loi le ghamba mbaro iya ne i giya wenjiya le ɳganja.

²² Ko iyemaenje Nyao Boboma une thiylake: gharethovu, warari, gharemali, ghatanaghathī, ghareviri, thanavu thovuye, e ghandavarem-inje, ²³ gharenja na tembe ghandamberegha ra dageteninda e thanavu raraithari. Ma tembe mbaro regha inaweva ne i dageteningiya thanavuke thiylake. ²⁴ Thavala kaero thi tubwe weya Krais Jisas, riwanjiko yawaliye weiya thanavuŋgiko iya riwanjiko i naŋgo kaerova thi rokros na i mare.

²⁵ Nyao Boboma kaero i giya yawali togha weinda, iya kaiwae wo ra vatomweinda weya Nyao Boboma na iye i mbaronjainda. ²⁶ Thava ra vakatha sirari thanavuniye, thava ra thithikaka wenjiya ghandaune, na thava ra yamwayamwakabu ghandaune lenji bigibigi kaiwanji.

6

Ra vewo lolo regha na regha ghavuyowo

¹ Lo bodaboda, thongo lolo regha e lemi wabwina tine i vakatha thari, thavala ghemi kaero Nyao Boboma i mbaronjanga, weimi lemi gharenja na ghamithanavu udauda, hu thalavugha loloko iyako na hu vanamwe ghathanavuko. Ko iyemaenje mbe hu

njimbukikiŋgava, ne iwaenje tembe hu vaidiva tanathetha na tembe hu dobuba. ² Hu thalavunŋgiya ghamune na hu vewovaghangi e ghanjivuyowo. Hu vakatha ḥgoreiyako, na e tine hu vamboromboro Krais le mbaro. ³ Thongo lolo regha i wovoreŋa ghamberegha na iŋa iye idae i laghiye, ko iyemaenje ma idae i laghiye, tembe i yarova ghamberegha. ⁴ Lolo regha na regha tembe ghamberegha i thuwe na i tuthiya ghathanavu. Thongo le vakatha i thovuye, valikaiwae i warari. Ko iyemaenje thava i vavanogha iye le vakathako weya gheu regha le vakatha, ⁵ kaiwae lolo regha na regha tembe i wo ghamberegha ghathanavuko vuyowae.

⁶ Thongo len ravavaghare i vavagharenja Loi ghaliniae e ghen, valikaiwae u giya len bigibigi vavana weya len ravavagharena.

⁷ Wo hu renuwaŋa wagiyawe na nuwamina i rumwaru, ma valikaiwae lolo regha i yarogha Loi. Budakaiya ne ra kabu ne vara tigha une tembe ḥgoreiyeva. ⁸ Thongo ra kabukabu e riwandake yawaliye, ne vara tigha une ya mare. Ko iyemaenje thongo ra kabukabu e Une, ne vara tigha une yawali memeghabananiye. ⁹ Thava ra banewana thanavu thovuye ghavakavakatha, kaiwae thongo ma ra baneyathu, ne Loi le tuthi mbanjaniye e tine ra vaidiya une. ¹⁰ Iya kaiwae thembanja valikaiwae ra vakatha thanavu thovuye weŋgiya gharigharike wolaghiye, wo ra vakatha. Ko ra rovurigheghe enge vara thanavu thovuye weŋgiya la valiralonjwelonjweghathi inanji weya Krais.

Utu ghagovun

¹¹ E mbañake iyake tembe wombereghake vara e nimañgu ya rorori. Ne hu thuweya nimañguke muiye ya rori na laghilaghiye. ¹² Gharighari vavana nuwanjiya thi warariñangi ghanjiuneko iya kaiwae thi vavurighegħenja na hu wo kiteniyathu thanavuniye. Na thi vakatha iyako kaiwae thi mararu na mbala thava thi vaidiya vuyowo kaiwae thi lojweġħathī na thi ghambugha Krais le mare. ¹³ Hu thuwe, othembe va thi wo kiteniyathu thanavuniye, thiye ma thi ghambugha mbaro. Ko mbema nuwanjiya enge thi kiteniyathu riwamina mbothiye njimwae na mbala thi wovorevorenjañgi għanġimberegha kaiwae hu ghambuŋgi lenji renuwañako. ¹⁴ E ghino ma mbaña regħa nuwanġuiya na ne ya wovorevorenja bigi regħa, mbe Jisas le mare enge e kros vwatae. Kaiwae Jisas le mare yambaneke bigibiginie thiye ma e għamīghamina e ghino, na ghino ɻgħoreiye bigi bwagabwaga yambaneke kaiwae. ¹⁵ Ma bigi regħa ɻgħoreiye othembe ra wo kiteniyathu thanavuniye o ma ra wo kiteniyathu thanavuniye. Bigi lagħiye enge vara ghinda kaero ra tabona għarighari totogħa. ¹⁶ Thiye thavala kaero thi ghambu renuwañako iyako, ya nañgo weya Loi na i vakatha gharemalili e gharenji na ghare wenji. Thiye emunjoru Israel, Loi le għarighari.

¹⁷ E mbañake iyake na i għaoko thava tembe ghemi regħa i giyava vuyowo e ghino, kaiwae bolake iya kaero ina e riwañgħuke, wo nono, thi woraŋgiya ghino Jisas le rakakaiwobwaga,

iya kaiwae gharigharina ghemi valikaiwae hu
ghambu lo renuwaŋake.

¹⁸ Lo bodaboda, ghanda Giya Jisas Krais ghare
wen̄ga. Mbwana. Ngoreiye.

**Toto Thovuye Loi Ghaliŋae
The New Testament plus Ruth and Jonah in the
Sudest language of Papua New Guinea
Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

PDF generated using Haiola and XeLaTeX on 11 Nov 2022 from source files dated 9 Oct 2020

7a63d67b-b890-5db0-8880-b6fd64f3b62f